

**Тоғ-кон саноати ва геология вазирлигининг  
Одоб-ахлоқ комиссияси түғрисида  
НИЗОМ**

**1. Умумий қоидалар**

1.1. Ушбу Низом Тоғ-кон саноати ва геология вазирлигининг (кейинги үринларда Вазарлик деб юритилади) Одоб-ахлоқ Кодексига (бундан буён матнда Кодекс деб юритилади) мувофиқ ишлаб чиқилган.

1.2. Мазкур Низом Одоб-ахлоқ комиссиясининг (бундан буён матнда Комиссия деб юритилади) фаолиятини тартибга солади.

1.3. Комиссия фаолияти Ўзбекистон Республикасининг Конституцияси, “Давлат фуқаролик хизмати түғрисида”ги Қонунига ва соҳага оид бошқа қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармон, қарор ва фармойишларига, Вазирлар Маҳкамасининг қарорлари ва фармойишларига, Вазирликнинг Одоб-ахлоқ кодексига ва ушбу Низом қоидаларга мувофиқ амалга оширилади.

**1.4. Комиссия фаолиятининг асосий вазифалари:**

- Вазирлик ходимларининг амалдаги қонунчиликка, одоб-ахлоқ қоидаларига риоя этилиши масалаларини кўриб чиқиш, хизмат текширувларини ўтказиш;

- Вазирлик ходимлари ўртасида ахлоқ нормаларига зид бўлган хатти-ҳаракатларнинг олдини олишга қаратилган комплекс чора-тадбирларни амалга ошириш;

- жисмоний ва юридик шахсларнинг давлат хизматчиларининг хатти-ҳаракатларига доир мурожаатларини кўриб чиқиш;

- Вазирлик ходимларининг шаъни ва қадр-қимматини ҳимоя қилиш билан боғлиқ масалаларни кўриб чиқиш;

- Вазирлик ходимларининг одоб-ахлоқ қоидаларини такомиллаштириш юзасидан таклифлар ишлаб чиқиш;

- мураккаб ахлоқий вазиятларни ҳал қилишда ходимларга маслаҳат ёрдами кўрсатиш;

- касбий этика нормаларига мувофиқ низоли вазиятларнинг олдини олиш;

- интизомий чораларни кўлламасдан юзага келган ахлоқий муаммони ҳал қилиш имкониятини аниқлаштириш мақсадида ходимлар томонидан ахлоқ нормалари бузилишининг дастлабки ўрганишларни ўтказиш;
- Вазирлик ходимлари томонидан одоб-ахлоқ қоидаларига риоя этилиши ҳолатини таҳлил қилиш, натижалари ҳақида давлат органи ва ташкилоти раҳбари ва жамоатчиликнй хабардор қилиб бориш;
- Кодексга ўзгартиш ва қўшимчалар киритиш бўйича таклифлар тайёрлаш.

## **2. Комиссияни шакллантириш ва унинг ишини ташкил этиш.**

2.1. Комиссия таркиби Комиссия раиси, унинг ўринbosари, котиби ва аъзоларидан иборат бўлиб, умумий сони беш нафардан кам бўлмаслиги ва тоқ сонда бўлиши лозим.

Комиссия таркибига тажрибали, меҳнат жамоасида обрў-эътиборга сазовор бўлган давлат хизматчилари киритилади.

Комиссиянинг шахсий таркиби Тоғ-кон саноати ва геология вазири (кейин ўринларда Вазир деб юритилади) буйруғи билан тасдиқланади ва доимий равища фаолият юритади.

Комиссия аъзолари ва унинг ишига жалб қилинган шахслар бепул ишлайди.

2.2. Комиссия таркиби шундай тузиладики, комиссия томонидан қабул қилинган қарорларга таъсир қилиши мумкин бўлган манфаатлар тўқнашуви эҳтимоли чиқариб ташланади.

### **2.3. Комиссия раиси:**

- Комиссия ишини ташкил қиласи;
- Комиссия мажлисларини чақиради ва ўтказади;
- Комиссия аъзолари, жалб этилган мутахассислар, экспертларга тегишли кўрсатмалар беради;
- маъмурият билан муносабатларда Комиссиянинг мавқеини ифодалайди;
- Комиссия аъзоларига унинг фаолияти тўғрисидаги ҳисботларни тақдим этади, шунингдек, Комиссия фаолияти тўғрисидаги ёзма йиллик ҳисботни Вазирга тақдим этади;

2.4. Комиссия раиси йўқлигига унинг ваколатларини раис ўринbosари амалга оширади.

### **2.5. Комиссия котиби:**

- мурожаатларни рўйхатга олади, комиссия хужжатларини сақлайди, унинг мажлисларини тайёрлайди;
- Комиссиянинг фаолиятини ташкилий-техник жиҳатдан таъминлаш масалаларини ҳал қиласи;
- Комиссиянинг навбатдаги мажлисига барча зарур материаллар ўз вақтида тайёрланишини таъминлайди, Вазирлик ходимларидан зарур хужжатлар ва маълумотларни сўраб олади;

- кун тартибига мувофиқ Комиссия мажлислари ўтказилишини ташкил этади;

- Комиссиянинг аъзоларини ва таклиф этилган шахсларни Комиссия мажлиси ўтказиладиган жой, сана ва вақт ҳамда кун тартибига киритилган масалалар ҳақида хабардор қиласди;

- Комиссия мажлисининг баённомасини расмийлаштиради ва тасдиқланган баённоманинг манфаатдор шахсларга жўнатилишини таъминлайди.

## 2.6. Комиссия аъзоси:

Комиссия томонидан кўриб чиқиладиган барча масалалар бўйича овоз беришга;

Комиссиянинг кўриб чиқиши учун масалалар ва таклифлар киритишга;

қарорлар тайёрланишида, муҳокамасида, қабул қилинишида, шунингдек уларнинг амалга оширилишини ташкил этишда ҳамда бажарилишини назорат қилишда иштирок этишга;

кўриб чиқилаётган масалага доир хужжатлар, маълумотномалар ва бошқа зарур ахборот билан танишишга;

Комиссия қарорига рози бўлмаган тақдирда ўз нуқтаи назарини баён этишга ҳақли.

Комиссияси аъзоси Комиссия мажлисида ҳозир бўлиши ва ўзига юклатилган мажбуриятларни бажариши шарт.

2.7. Комиссия аъзоси Комиссия мажлисида ҳозир бўлиш имкони бўлмаганда Комиссия раисини олдиндан хабардор этиши лозим.

2.8. Комиссия мажлисида кўрилаётган масалалар Комиссия раиси, унинг ўринбосари, котиби ва аъзоларига бевосита ёки билвосита боғлиқ бўлган тақдирда ўзини ўзи рад қилиши шарт.

2.9. Агар кун тартибига киритилган масалани кўриб чиқишида манфаатлар тўқнашувига олиб келиши мумкин бўлган ҳар қандай комиссия аъзосининг бевосита ёки билвосита шахсий манфаати мавжуд бўлса, комиссия аъзоси буни йиғилиш олдидан эълон қилиши шарт. Бундай ҳолда, у ушбу масалани кўриб чиқишида қатнашмайди.

2.10. Агар кун тартибига киритилган масала бўйича биронта комиссия аъзосининг манфаатлар тўқнашувига олиб келиши мумкин бўлган бевосита ёки билвосита шахсий манфаати мавжуд бўлса, у ҳолда ушбу аъзо буни йиғилиш олдидан эълон қилиши шарт. Бундай ҳолда, у ушбу масалани кўриб чиқишида қатнашмайди.

2.11. Зарур ҳолларда, Комиссия овоз бериш ҳукуқисиз бошқа мутахассисларни мустақил эксперт сифатида жалб қилиш ҳукуқига эга.

2.12. Комиссия аъзолари ва унинг мажлисларида иштирок этувчи шахсларига комиссия иши давомида ўзларига маълум бўлган махфий маълумотларни ошкор қилиш тақиқланади. Фаолият давомида олинган

маълумотлардан факат ахборот, ахборот технологиялари ва ахборотни муҳофаза қилиш тўғрисидаги қонунда назарда тутилган тартибда фойдаланиш мумкин.

2.13. Комиссия мажлислари эҳтиёждан келиб чиқсан ҳолларда ўтказилади. Йиғилиш учун кворум Комиссия аъзоларининг 3/2 қисми иштирок этади. Қарорлар кўпчиликнинг овози билан очиқ овоз бериш йўли орқали қабул қилинади. Овозлар teng бўлган тақдирда, Комиссия раисининг овози ҳал қилувчи ҳисобланади.

### **3. Комиссиянинг иш тартиби**

3.1. Йиғилиш ўтказиш учун асос бу ходимнинг касбий одоб-ахлоқ нормаларини бузганилиги тўғрисида маълумотни ўз ичига олган Коррупцияга қарши ички назорат бўлими ёки бирор ходим томонидан Одоб-ахлоқ комиссияга ёзма мурожаати ҳисобланади.

3.2. Комиссия жиноятлар ва маъмурий ҳуқуқбузарликлар тўғрисидаги маълумотларни, ҳисботларни, шунингдек, аноним мурожаатларни кўриб чиқмайди, меҳнат интизомини бузганилик тўғрисида текширув ўтказмайди.

3.3. Комиссия ходимнинг касбий этика меъёрларини бузганилиги тўғрисидаги маълумотларни ўз ичига олган аризани ўз вақтида, холисона ва адолатли кўриб чиқиши, қонун ҳужжатларига, Вазирлик Одоб-ахлоқ Кодексига ва ушбу Низомга мувофиқ ҳал этилишини таъминлаши керак.

3.4. Комиссия раиси унга комиссия йиғилишини ўтказиш учун асос бўлган маълумотларни олганидан кейин:

- уч иш куни ичida комиссия навбатдаги йиғилиши санасини тайинлади. Шу билан бирга, сана кўрсатилган маълумот олинган кундан бошлаб етти иш кунидан кечиктирмай белгиланиш керак (ходимнинг узрли сабабларга кўра вақтинча йўқлиги, вақти белгиланган муддатда ҳисобга олинмайди: касаллик, таътил ва бошқалар.)

- Комиссия котиби комиссия томонидан кўриб чиқилаётган масала, Комиссия аъзолари ва Комиссия йиғилишида иштирок этаётган бошқа шахсларни эса келиб тушган маълумотлар билан имзо орқали таништиришни ташкил қиласди.

3.5. Комиссия йиғилиши ходим иштирокида ўтказилади, унга нисбатан касбий одоб-ахлоқ нормаларига риоя қилиш масаласи кўриб чиқилади. Агар ходимнинг кўрсатилган масалани унинг иштирокисиз кўриб чиқиш тўғрисида ёзма сўрови бўлса, у йўқлигига комиссия йиғилиши ўтказилади. Агар ходим ушбу масалани унинг иштирокисиз кўриб чиқиш тўғрисида ёзма сўрови бўлмаган тақдирда йиғилишга келмаса, масалани кўриб чиқиш бошқа кунга қолдирилади.

Ходимнинг узрли сабабларсиз Комиссия йиғилишида қатнашмаслиги масалани кўриб чиқиши кейинга қолдириш учун сабаб бўла олмайди. Бундай

ҳолда, комиссия мавжуд материаллар ва йиғилишда қатнашганларнинг нутқлари асосида масаланинг моҳияти тўғрисида қарор қабул қиласди.

3.6. Комиссияда масалани кўриб чиқиш ушбу талаблар доирасида ва мурожаатда кўрсатилган асослар бўйича амалга оширилади.

Масалани кўриб чиқиш жараёнида мурожаат предметини ва (ёки) асосларини ўзгартиришга йўл қўйилмайди.

3.7. Комиссия йиғилишида ходим (унинг розилиги билан) ва бошқа шахсларнинг тушунтиришлари эшитилади, даъволарнинг моҳияти, шунингдек, қўшимча материаллар кўриб чиқилади.

3.8. Масалани кўриб чиқиш натижалари бўйича Комиссия қуидаги қарорлардан бирини қабул қиласди:

а) ходимнинг касбий одоб-ахлоқи меъёрларига риоя қилганлигини аниқлаш;

б) ходимнинг касбий одоб-ахлоқ меъёрларига риоя қилмаганлигини аниқлаш ва Вазирга ходим ушбу нормаларни бузишга йўл қўйилмаслигини кўрсатишни тавсия этиш;

в) ходимнинг касбий одоб-ахлоқ меъёрлари қўпол равища бузганлигини аниқлаш ва Вазирга ходимга тегишли интизомий жазо тайинлаш имкониятини кўриб чиқишни тавсия этиш;

г) уч иш куни ва агар керак бўлса дарҳол, ходим томонидан маъмурий ҳукуқбузарлик ёки жиноят таркибининг белгиларини ўз ичига олган ҳаракатларни (ёки унинг ҳаракатсизлигини) аниқлаш ва комиссия раисига белгиланган ҳаракат (ҳаракатсизлик) содир этилганлиги тўғрисида маълумотларни ва ушбу фактни тасдиқловчи ҳужжатларни ҳукуқни муҳофаза қилиш органларига ушбу ҳужжат доирасида етказиш мажбуриятини юклаш.

3.9. Комиссия ходимларнинг кийиниш маданияти қоидаларига риоя этилмаслик ҳолатларини кўриб чиқади.

3.10. Инсон ресурсларини ривожлантириш ва бошқариш бўлими томонидан мазкур талаблар бажарилиши назоратга олинади ва ҳар ой якунидаги Комиссияга ички талабларни бузган ёки бажармаган ходимлар тўғрисида маълумотларни киритиб боради.

3.11. Комиссия йиғилишда ички талабларни бузган ходимларга ўрнатилган тартибда чора кўрилади ва бу ҳақда маълумотлар ходимнинг шахсий иш жилдига сақланади.

#### **4. Комиссия қарорларини рўйхатдан ўтказиш тартиби**

4.1. Комиссия қарорлари унинг раиси ва котиби томонидан имзоланган баённомалар билан расмийлаштирилади. Комиссия қарорлари Вазир учун тавсиявий характерга эга.

4.2. Қарорга рози бўлмаган комиссия аъзоси ўз фикрини ёзма равища баён этишга ҳақли, бу баённомага мажбурий илова қилиниши керак ва қарор қабул қилинганилиги билан ходим танишиши керак.

4.3. Йиғилиш ўтказилган кундан бошлаб уч иш куни мобайнида баённоманинг нусхалари Вазирга ва масаласи кўриб чиқилган ходимга топширилади. Агар комиссия йиғилишида бир нечта масалалар кўриб чиқилган бўлса, ходимга баённомадан кўчирма юборилади. Комиссия қарори билан баённома нусхаси (баёндан кўчирмалар) бошқа манфаатдор шахсларга топширилади.

4.4. Вазир баён олинган кундан бошлаб беш иш куни ичида кўриб чиқилаётган масаланинг моҳияти бўйича кўрган чоралари тўғрисида комиссияни ёзма равища хабардор қилиши шарт. Вазирнинг қарори Комиссиянинг навбатдаги йиғилишида эълон қилинади.

4.5. Комиссия йиғилиши баённомасининг нусхаси ёки ундан кўчирма касб одоб-ахлоқ меъёрларига риоя қилиш масаласи кўриб чиқилган ходимнинг шахсий ҳужжатларига илова қилинади.

## **5. Давлат хизматчилари томонидан одоб-ахлоқ қоидалари бузилишининг олдини олиш (профилактика) чораларини кўриш**

5.1. Комиссия Вазирликнинг Кадлар бўлими билан биргаликда мунтазам равища давлат хизматчилари томонидан одоб-ахлоқ қоидаларига риоя этилиши ва уларнинг бузилишини олдини олишга қаратилган қўйидагиларни назарда тутувчи профилактик комплекс чора-тадбирларни амалга оширади:

давлат хизматчиларида юксак касбий маданиятни, жамоада соғлом маънавий муҳит ва ишchan кайфиятни шакллантириш;

давлат хизматчилари “ҳалоллик вакцинаси” билан эмлаш, яъни ҳалолликни уларнинг онгига сингдириш, маърифат орқали уларда коррупцияга қарши муросасиз муносабатда булиш кайфиятини шакллантириш;

давлат органи ва ташкилотида таникли зиёлилар, ижодкорлар, маънавият ва маърифат соҳасининг кўзга кўринган намоёндалари, ўз соҳасида юксак натижаларга эришган меҳнат фаҳрийларини жалб қилган ҳолда, учрашувлар ташкил қилиб бориш;

давлат органи ва ташкилотида ходимларининг касбий ва бошқарув кўникмалари ўсишини, шунингдек уларнинг малакасини доимий равища оширишни, улар томонидан одоб-ахлоқ қоидаларига риоя этишларини таъминлаш мақсадида уларнинг билимлари ва малакасини доимий такомиллаштириш ишларини таъминлаш;

давлат хизматчиларининг иқтисодий билимларини, хуқуқий саводхонлигини, хуқуқий маданияти ва хуқуқий онгини, интеллектуал ва маънавий ривожланишини ошириш мақсадида иқтисодий ва хуқуқий ўқишлилар ташкил этиш;

янги ишга қабул қилинган давлат хизматчиларини одоб-ахлоқ қоидаларига

қатъий риоя қилиш борасида стажировкадан ўтказиш ва улар билан профилактик сұхбатлар ташкил қилиш;

давлат хизматчиларини малака ошириш курсларига, халқаро семинарлар, конференциялар ва шу каби бошқа тадбирларга юбориш, улар томонидан ўз касбий даражаси ва ахлоқий сифатларини мустақил оширишлари учун шартшароит яратиб бериш.

5.2. Комиссия давлат хизматчилари томонидан одоб-ахлоқ қоидалари бузилишининг олдини олиш (профилактика) борасидаги ўз фаолиятини Комиссия томонидан тасдиқланадиган чораклик иш режалари асосида олиб боради.

5.3. Давлат хизматчилари томонидан одоб-ахлоқ қоидалари бузилишининг олдини олиш (профилактика) чоралари Комиссия томонидан давлат органи ва ташкилотининг тегишли таркибий бўлинмалари раҳбарлари ҳамда касаба уюшмалари қўмиталари билан биргаликда ташкил этилади.

5.4. Давлат хизматчилари томонидан одоб-ахлоқ қоидалари бузилишининг олдини олиш (профилактика) чораларининг натижадорлиги йил якунлари бўйича ўтказиладиган Комиссия йиғилишида муҳокама қилинади.

## **6. Комиссия фаолиятини таъминлаш**

6.1. Комиссия фаолиятини ташкилий, техник ва ҳужжатлар билан таъминлаш, шунингдек, унинг аъзоларини қун тартибига киритилган масалалар, йиғилиш санаси, вақти ва жойи тўғрисида хабардор қилиш, комиссия аъзоларини йиғилища муҳокама қилиш учун тақдим этилган материаллар билан таништириш котиб томонидан амалга оширилади.

## **7. Яқуний қоидалар**

7.1. Комиссиянинг қарори устидан Вазирга ёки судга шикоят қилиш мумкин.

7.2. Вазирлик ходими томонидан одоб-ахлоқ қоидаларининг бузилиши ҳақидаги мурожаат унинг ташаббускори томонидан Комиссия қарори қабул қилингунинг қадар қайтариб олиниши мумкин.

7.3. Мазкур Низомга ўзgartириш ва қўшимчалар киритиш Вазирнинг буйруғи билан амалга оширилади.